



ევროკავშირი  
საქართველოსთვის



საგრანტო კონკურსი:

სამოქალაქო საზოგადოების ორგანიზაციების გამჭვირვალობის და ანგარიშვალდებულების  
ხელშეწყობა

17 დეკემბერი, 2018

კონკურსის მოკლე აღწერა და პირობები

## წინასიტორია

ევროკავშირის მიერ დაფინანსებული პროექტი - "სამოქალაქო საზოგადოების განვითარების ინიციატივა" მიზნად ისახავს საქართველოში სამოქალაქო საზოგადოებისათვის არსებული გარემოს გაუმჯობესებას, სამოქალაქო საზოგადოების ორგანიზაციების გაძლიერებას, ბენეფიციართა მიმართ მათი ანგარიშვალდებულების გაზრდასა და სხვა მონაწილეებთან კავშირების გაფართოებას.

პროექტს ახორციელებს კონრად ადენაუერის ფონდი (KAS) და ოთხი ქართული არასამთავრობო ორგანიზაცია - სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), საქართველოს სტრატეგიული კვლევებისა და განვითარების ცენტრი (CSRDG), განათლების განვითარების და დასაქმების ცენტრი (EDEC).

სამოქალაქო საზოგადოების განვითარების ინიციატივა შემდეგი 4 მიზნის მიღწევას ესწრაფვის:

1. სამოქალაქო საზოგადოების ფინანსური მდგრადობის გაზრდა დაფინანსების წყაროების გამრავალფეროვნებით, მათ შორის სახელმწიფოსა და კერძო სექტორის მონაწილეობით, ხელსაყრელი საგადასახადო გარემოს შექმნით, ასევე მოხალისეობის წახალისებით.
2. სამოქალაქო საზოგადოების შესაძლებლობების, ანგარიშვალდებულებისა და სანდოობის გაზრდა, რათა მათ უკეთ წარმოადგინონ ფართო საზოგადოების პოლიტიკური, ეკონომიკური, სოციალური და კულტურული უფლებები.
3. სამოქალაქო საზოგადოების მედიასთან, ბიზნესთან და ადგილობრივ ხელისუფლებასთან უფრო აქტიური თანამშრომლობით სამოქალაქო ჩართულობის გაზრდა რეგიონებში.
4. სამოქალაქო საზოგადოების ღონისძიებებისა და ინიციატივების მხარდაჭერა ეროვნულ და ადგილობრივ დონეებზე საჯარო პოლიტიკის სფეროში, განსაკუთრებით ევროკავშირთან ასოცირების პროცესში მიმდინარე რეფორმების თვალსაზრისით.

CSRDG-ის მიერ განსახორციელებელი აქტივობებიდან ერთ-ერთი აქტივობა ითვალისწინებს გრანტების გაცემას საზოგადოებრივი ორგანიზაციების ანგარიშვალდებულების და გამჭვირვალობის ხელშეწყობის მიმართულებით.

## საგრანტო კონკურსის მიზანი და ამოცანები

საგრანტო კონკურსის მიზანია იმ ინიციატივების მხარდაჭერა, რომლებიც ხელს შეუწყობს საზოგადოებრივი ორგანიზაციების მიზნობრივ აუდიტორიასთან ურთიერთობის გაუმჯობესებას, ასევე მათი ხილვადობის და ლეგიტიმურობის ზრდას.

საგრანტო კონკურსის ამოცანებია:

- საზოგადოებრივ ორგანიზაციებსა და სათემო ჯგუფებში ანგარიშვალდებულების და გამჭვირვალობის ინსტრუმენტების/პროცესების დანერგვა და გაუმჯობესება
- საზოგადოებრივი ორგანიზაციების და სათემო ჯგუფების საქმიანობაში თანამონაწილეობითი მეთოდების დანერგვა და გაუმჯობესება

საპროექტო წინადადება შესაძლოა მოიცავდეს, თუმცა არ შემოიფარგლებოდეს შემდეგი ტიპის აქტივობებით:

- სამოქალაქო ორგანიზაციების/სათემო ჯგუფების საქმიანობის საპოპულარიზაციო ღონისძიებები და ხილვადობაზე მიმართული კამპანიები
- სხვა ორგანიზაციებთან/ჯგუფებთან (მათ შორის, სხვა სექტორიდან) კავშირების დამყარება და გაღრმავება
- მიზნობრივი ჯგუფების საჭიროებების კვლევა
- პროექტების/საქმიანობების შეფასება, მიღწეული შედეგების საზოგადოებისათვის უკეთ წარმოსაჩენად
- ფინანსური აღრიცხვის და ანგარიშგების დახვეწა მათი გამჭვირვალობის გასაუმჯობესებლად
- და სხვა

## საგრანტო კონკურსში მონაწილეობის მიღება შეუძლია:

- ❖ საქართველოში რეგისტრირებულ და მოქმედ სამოქალაქო საზოგადოების ორგანიზაციებს, სათემო ორგანიზაციებს და არარეგისტრირებულ სათემო საინიციატივო ჯგუფებს.
- ❖ კონკურსში მონაწილეობას ვერ მიიღებენ, ამავე დასახელების წინა კონკურსზე (ივნისი, 2018) დაფინანსებული ორგანიზაციები და ჯგუფები, რომელთა პროექტებიც არ არის დასრულებული.

## შერჩევის კრიტერიუმი

საპროექტო განაცხადებს განიხილავს და შეაფასებს საქართველოს სტრატეგიული კვლევებისა და განვითარების ცენტრის (CSRDG) მიერ შექმნილი საგრანტო საკონკურსო კომისია, რომელიც დაკომლექტებულია პროექტის განმახორციელებელი ორგანიზაციების წარმომადგენლებითა და მოწვეული ექსპერტებით.

ტექნიკურად სრულყოფილი განაცხადების განხილვა და შეფასება ხდება აღნიშნული კომისიის მიერ შემდეგი კრიტერიუმებით:

	შეფასების კრიტერიუმი	ქულა
1	კონკურსის მიზნებთან და ამოცანებთან შესაბამისობა	20 ქულა
2	პროექტის აღწერა	15 ქულა
3	პრობლემის გადაჭრის გზების ეფექტურობა	20 ქულა
4	მიდგომების ინოვაციურობა	15 ქულა
5	შედეგების მდგრადობა	20 ქულა
6	ბიუჯეტის ხარჯთეფექტიანობა	10 ქულა
	<b>სულ ქულა</b>	<b>100 ქულა</b>

კონკურსში მონაწილეთა განაცხადების შერჩევისას, თანაბარი ქულების შემთხვევაში, საბჭო უპირატესობას მიანიჭებს:

- საპროექტო წინადადებებს, რომლებიც მიზნობრივი ჯგუფების, განსაკუთრებით კი მოწყვლადი ჯგუფების აქტიურ მონაწილეობას უზრუნველყოფენ პროექტის განხორციელებაში
- საპროექტო წინადადებებს, რომლებიც სხვა სექტორებთან, განსაკუთრებით მედიასთან აქტიურ კომუნიკაციას მოიაზრებენ
- სამოქალაქო საზოგადოების ორგანიზაციებს, რომლებსაც აღნიშნული პროექტის ფარგლებში გავლილი აქვთ ტრენინგი თემაზე „სამოქალაქო ორგანიზაციების გამჭვირვალობა და ანგარიშვალდებულება“

## შერჩევის პროცედურა

- ❖ საპროექტო განაცხადებს განიხილავს და შეაფასებს საქართველოს სტრატეგიული კვლევებისა და განვითარების ცენტრის (CSR DG) მიერ შექმნილი საგრანტო საკონკურსო კომისია. გადაწყვეტილება მიღებულ იქნება ზემოთ მოცემული კრიტერიუმების საფუძველზე.
- ❖ კომისიას შეუძლია მოითხოვოს დამატებითი ინფორმაცია და ჩაატაროს **ადგილზე ვიზიტი** შერჩევის პროცესისას.

## საგრანტო პროექტის ხანგრძლივობა და დაფინანსება

პროექტის ხანგრძლივობა არ უნდა აღემატებოდეს **6 თვეს**. საგრანტო თანხის მაქსიმალური ოდენობა შეადგენს **4.000 ლარს**. პროექტისთვის მაქსიმალური თანხის მოთხოვნის შემთხვევაში სულ დაფინანსდება **10 პროექტი**.

### დაბეგვრა:

მიღებული გრანტით დღგს-ს თანხა არ ანაზღაურდება. შესაბამისად, თუ გრანტით მიღებული თანხა დაიხარჯა დღგ-ზე, გრანტის მიმღებმა ორგანიზაციამ იგი დადგენილი წესით უნდა გამოითხოვოს (დაიბრუნოს) საგადასახადოდან. პროექტის ხარჯების საბოლოო ანგარიში CSR DG-ის უნდა ჩაბარდეს დღგ-ს გარეშე.

*CSR DG არ ანაზღაურებს კონკურსში მონაწილის მიერ საგრანტო განაცხადის მომზადებისა და წარმოდგენისათვის გაწეულ ხარჯებს, მიუხედავად იმისა, შეირჩევა თუ არა მისი განაცხადი.*

## განაცხადების წარდგენის პროცედურა

დაინტერესებულმა ორგანიზაციებმა განაცხადის სრული პაკეტი უნდა წარმოადგინონ ქართულ ენაზე ელექტრონული ფოსტის შემდეგ მისამართზე: [csrdg.cssigrants@gmail.com](mailto:csrdg.cssigrants@gmail.com)

გთხოვთ სათაურის ველში აუცილებლად მიუთითოთ “GrantCSSI\_2018”. განაცხადის გამოგზავნის შემდეგ მიიღებთ საპასუხო წერილს იმის თაობაზე, რომ თქვენი აპლიკაცია მიღებულია.

განაცხადის მიღების ბოლო ვადა: **2019 წლის 25 იანვარი, 18:00 საათი.**

განაცხადის სრული პაკეტი მოიცავს:

- **პროექტის განაცხადი** - ელექტრონული ვერსია Word-ის ფორმატში.  
ასევე, განაცხადის ბოლო გვერდი ბეჭდით და ხელმოწერით დამოწმებული, დასკანერებული JPG ან PDF ფორმატში.
- **დანართი #1 - პროექტის საქმიანობის გეგმა**, ელექტრონული ვერსია ექსელის ფორმატში.
- **დანართი #2 - დეტალური ბიუჯეტი**, ელექტრონული ვერსია ექსელის ფორმატში.
- **მონაწილე ორგანიზაციების განახლებული ამონაწერი სამეწარმეო რეესტრიდან.** (რეგისტრაციის შემთხვევაში)
- **საგრანტო პროექტის განმახორციელებელი გუნდის ძირითადი წევრების რეზიუმეები (CV);**  
შესაბამისი კვალიფიკაციის დამადასტურებელი საბუთები. მათ შორის ტრენინგში მონაწილეობის სერტიფიკატი თემაზე „სამოქალაქო ორგანიზაციების გამჭვირვალობა და ანგარიშვალდებულება“.

*დაგვიანებით წარმოდგენილი და არასრულად შევსებული სააპლიკაციო ფორმები არ განიხილება.*

ამ კონკურსზე პროექტის წარმოდგენით მონაწილე ორგანიზაციები ადასტურებენ, რომ წარმოდგენილი პროექტი მხოლოდ მათი ნამუშევარია. კონკურსის დროს მიღებულ დოკუმენტებს CSRDG-ი მხოლოდ განხილვის მიზნით გამოიყენებს და არ გაუზიარებს გარეშე პირებს ან ორგანიზაციებს, გარდა საქართველოს კანონმდებლობით გათვალისწინებული ან პროექტის დამფინანსებლის მოთხოვნის შესაბამისად განსაზღვრული შემთხვევებისა.

## საკონტაქტო ინფორმაცია

დამატებითი ინფორმაციისათვის შეგიძლიათ:

- დაგვიკავშირდეთ ელექტრონული ფოსტის საშუალებით შემდეგ მისამართზე:  
[csrdg.cssigrants@gmail.com](mailto:csrdg.cssigrants@gmail.com)
- დაგვირეკოთ მობილურზე: **599 955282**

საკონტაქტო პირი: ანი ნადირაშვილი - გრანტების მენეჯერი

*კონკურსთან დაკავშირებით შემოსული შეკითხვები შესაბამისი პასუხებით გამოქვეყნდება ვებ-გვერდზე [www.csrdg.ge](http://www.csrdg.ge).*

**საპროექტო განაცხადის მიღების ბოლო ვადა: 2019 წლის 25 იანვარი, 18:00 საათი**

**საბოლოო გადაწყვეტილება პროექტის დაფინანსების თაობაზე მიღებულ იქნება არაუგვიანეს 2019 წლის 8 თებერვლისა**